

北京圖書館出版社

清末時事新彙選

第二十冊



(清末)
時事采新彙選

第二十冊

北京圖書館出版社

時事采新彙選

光緒丁未年五月

光緒三十三年五月十一日

內務府八旗兩翼值日無引

見 恭王等謝調

授缺

恩 王中堂奏請開缺

掌儀司奏十五

日祭

奉先殿濤貝勒行禮

召見軍機

上諭王文韶奏假期又滿病仍未痊懇准開缺回籍調理

一摺大學士王文韶久贊綸扉朝廷深資倚任前因患

病迭次陳請開缺未經允准茲復瀝陳病狀懇准開缺

回籍情詞迫切不得不勉如所請王文韶著准其開缺

回籍調理並加恩賞給馳驛欽此

上諭張之洞著以湖廣總督協辦大學士欽此

諭旨恭錄

光緒丁未五月十一日

一

上諭前因京師入夏以來雨澤稀少經朕于上月十九日

親詣

覺生寺拈香復于二十九日派恭親王溥

偉前往恭代拈香派醇親王載灃前詣

大高殿

拈香貝勒載洵等分詣 時應宮等處拈香虔申祈禱

旬日以來雖經得雨尚未一律霑足允宜再申籲禱本

月十三日仍派恭親王溥偉前往

覺生寺恭代

拈香改派禮親王世鐸敬謹前往

大高殿恭代

拈香 時應宮仍派貝勒載洵

昭顯廟仍派貝勒載

濤 宣仁廟仍派鎮國公載澤

凝和廟仍派鎮國將

軍載復同于是日分詣拈香欽此

旨李殿林著調補正紅旗滿洲副都統所遺正白旗漢軍

副都統著慶綿補授欽此

旨穆特春著調補伊犁額魯特領隊大臣塔爾巴哈台領

隊大臣著榮昌調補欽此

諭旨恭錄

光緒丁未五月十一日

三

英雄不及常人論錄大公報

虞慰功

世之崇拜英雄服從英雄甚至歌哭夢寐無一不期英雄復生以爲同胞光榮而作宇宙生氣竭河山數千載之靈秘不克產育二三英雄與列強周旋揖讓執鞭頭擁馬首相馳逐相競爭於優勝劣敗之舞台俾國旗飛揚於日所出沒之地以耀彩而增光此其人豈不包蘊乾坤吐納日月膽略才識辟易萬人一望而知其爲麟趾鳳毛不再世而一見何以方其困難求一餬口求一立錫而不得纏廠褐衣垢褸走不如牛馬力不如犬狼一至庸夫俗子皆得鄙夷而目笑以爲人類之不齒噫豈無故哉豈無故哉英雄之骨不若常人之柔且謂英雄之心不若常人之巧且

時事采新彙選第三卷

丁未五月十一日刊

僞其言也慷慨而淋漓其行也磊落而光明其進且退也皆軌於正而不屑鑽營其品與學也皆操諸我而不隨濁世人皆以爲絕物彼乃以爲泰然人皆以爲拙笨彼乃以爲天職故其生計恆困而舉事多乖豈其前後兩人以時之遇與不遇爲轉移哉蓋其所見者大所圖者宏目的所在有悠悠長遠不可以跬步企也而常人當此非變計以謀衣食卽奔競以求仕進能左顧孺人右弄稚子雖吮臚舐痔而後畢生溫飽計猶復傲然朋儕以爲運動場所製造之商品能發達而暢銷者也雖英傑者流亦將望而卻步彼安得不雄視一時覺英雄不我及也詎不豪哉不知彼輩盤踞要津而微生物蠱起鵲落將俎肉釜魚無不窟

穴其中易其味膈其汁食之痼緣而起者有不可以屈指數其流毒之深且遠誠英雄無能爲役矣此又英雄所爲望塵而歎者也英雄乎英雄乎何絕物拙笨皆人所難能而莫及豈不大可怪哉豈不大可怪哉韓信猶有可乞之食伍員猶有可吹之簫使其當此將爲若敖氏之鬼而不獲尙何有漂母吳公子光其人乎林肯加里波的俱起於眇眇細民之一子而其鱗甲未伸泥污未去時遭蝦蟹之噴然天地怪物不可以常格拘也屹而振精神鬱而懷大志不戚戚於流俗之褒貶不汲汲於名利之得喪至其投足艱辛躬膺重寄鐵鞭一擊海嶽爲崩欲與奮鬪掉尾爭角遂於閭閻間有幾人歟有幾人歟雖然今若一轉眼而

時事采新彙選第三卷

丁未五月十一日刊

想像昔世所吐棄之英雄者何一非常人所不歡迎而以傲慢加之哉胡乃依者同是五尺之軀掉者同是三寸之舌一呼而何爲響應一令而何爲響應動不僅於政治上軍事上具有風行草偃之勢而其他社會上文學上之種種方面均以星星之火而使全國一大爆烈則影響且及於全球其勢力詎不偉哉無始皇則長城莫壞於亞土非擊波崙則戰功難轟於歐洲常人兩腕雙足英雄則百其腕百其足猶難方其真相也所爲動魄而驚心歌舞而膜拜以爲非人中人實人外人也此種疑問有非常人所能解決謂之爲萬物之靈特爲英雄寫真耳英國大文豪卡黎爾曰凡人間社會之事皆英雄豪傑之化身體而萬國

歷史者即英雄豪傑之言行錄此言也可爲古今中外之公例非僅爲一國發也又曰社會賴英雄而成立英雄者世間必要之動物也吾亦曰常人者又英雄動物之動物也無常人莫成其爲英雄英雄實爲常人而生非常人無復用英雄此唯一之公理毫無假借於其間世雖以常人待英雄而英雄絕不能以常人自待常人雖不識英雄而英雄絕不棄常人常人識英雄非眞常人英雄棄常人非眞英雄吾願世之管見者無以窮達論英雄則英雄自英雄而常人自常人豈以現竊祿位者即英雄而奔走風塵者即常人也天地昏濁無復嚮明賢奸倒置遑問富強鳳凰在枳而鴟鵂鳴崗此愛國志士所以讀古來英雄豪傑之傳記不禁淚下交睫也海風不靖銅駝生悲杞人之憂苟其有極哀哉哀哉

時事采新彙選第三卷

丁未五月十一日刊

東報論中國當注意蒙古

譯四月十二日錄中外日報

本年中歷正月蒙古王公等入覲時中國朝廷照例厚款之及其事畢辭歸特命理藩部尙書壽耆以備豫強鄰之策勗勉彼等然彼等統治其領土之居民與對於強鄰之措置果能合於中朝之意否吾輩有不得不大疑之者
前者本館接巴黎專電言俄國在遠東之宮長業已向俄國政府要求云俄國在蒙古之勢力其基礎現已成立故請乘此機會將外交上及經濟上之能力大注入此一方

時事采新彙選第三卷

丁未五月十一日刊

面云云聞俄國政府之意頗以爲然此消息之確否吾輩不能斷言然徵諸俄國在蒙古之行動與其勢力之浸潤則足以證明其所言非虛矣由此觀之可知曩日中朝向蒙古諸王所發之訓諭不但於事實上毫無效力且蒙古新舊伊犁各地之辦事大臣將軍都統等之指揮監督及其他一般之政策究竟能否切實施行亦不能不大有疑義也於是又不得不更問理藩部之究竟有無能力矣以最近之事實觀之亦足窺知其一一般如俄國無故侵入東部蒙古擅自勘量地勢如俄國欲在都倫諾耳地方租借地皮以備建築棧房之用如東部內蒙古之喇嘛僧等私將土地賣與東清鐵路公司而遁往他處中國欲買回之而不能頗陷於棘手之境地又如俄國在庫倫附近探掘金礦中國政府欲制之而不能卒至訂結名爲中俄合辦之條約而勉認俄國之有特權如新疆伊犁科布多一帶土民不堪中國之苛稅或紛紛逃往俄國領土居住以增長俄國之勢力圖得受俄國之保護如我國又要求塔爾巴哈台之烏爾的斯河航業權以必得爲期其在伊犁方面及其他蒙古各重要都市俄國大商家之多可不待言且有俄國業畜牧及農耕之民移往該處至數代之久亦不爲異駐京使察其形勢又向中國政府要求俄國在蒙古各地方有居住營業之自由權始無一事不與前日巴黎專電所言相合者此外類此之事尙不一而足即

僅以此最近之數事實以觀則俄國與蒙古之關係非尋常可比亦足以明矣俄國與蒙古之關係非尋常可比今更不待言昔年伊犁之事不尙有可爲世人所深記憶者乎當時所以令中國得外交上之勝利者雖全賴曾惠敏之手腕然而張制軍諸公極力主戰之議論亦與有力焉今張督對於蒙古之事有如何之感情雖不得而知然而俄國懷併吞滿蒙之志業已多年自與日本戰後俄國在滿洲之大軍不得已而撤退同時在滿洲之勢力亦隨之俱退於是更往重蒙古之事且俄國之於蒙古較諸滿洲更爲便利此等情形豈今日中國當局者皆不能知之乎然中國既處於如此之地位而猶令肅王辭去理藩部不時事采新彙選第三卷 五 丁未五月十一日刊

用彼經營邊疆之策不獨因此令蒙古各王失望而生離心且併不能採用現任伊犁將軍種種有益之條陳內則終日爭奪收權日不暇給外則因欲收回利權之故時與日本爭執反將如此重大之事一卽指蒙古之事置諸不問不知爲未雨綢繆之計實未免緩急悞會輕重倒置之誚矣況爲難之事不獨蒙古而已餘如南清西藏之方面在在皆是耶吾其望中國當局者亟大開其眼孔一精察滿洲以外之形勢也

按右論爲日人所撰力陳俄人之於蒙古甚有利害之關係則陰刺中國不應專與日本爭東三省之權利其言蓋有爲而發然懲前毖後則俄人之舉動終不能使

人不惴惴故蒙古新疆之防衛實未可置爲緩圖譯而存之正可藉爲他山之錯也

蘇紳王編修同愈致蘇撫陳中丞函錄時錄

敬啟者巡警毆辱學生一案弟處函電紛至咸相詰問責備之來誠惶誠恐此案一日不結人心一日不安弟亦處於一日不能寬其責之勢顧目前之辦法固宜早爲揭示而事後之補救尤難置爲緩圖蘇垣自有巡警以來事故迭生不勝僂指民間未獲絲毫之益實受無窮之累無惑乎輿論之紛紜報章之紛紜也竊謂治病者必察其致病之由方可對症下藥治求而不治本枝節補苴無裨於事本月念二日中外日報論說所云遠因近因最爲切中情時事采新彙選第三卷 六 丁未五月十一日刊

弊蘇垣巡警原係安定鎮及裁額標兵所充庚子年北方拳匪亂時地方官紳以游勇流氓充斥深恐附和蠢動會讓募作團勇以羈縻之辛丑撤防恐驟散爲地方患預於數月前缺額不補汰存二百五十名羣中丞定名爲安定旗議侯時局稍定再行裁撤及某中丞履任適奉部文催辦警察司局議以安定旗勇改編照會郡紳議謂郡紳覆以警察爲內治要政東西各國均專設學堂注重教育故能與民相安今將住營勇丁散布街市害多利少請從緩辦並勿以安定旗勇改編等語某中丞急於見功不察就裏復呈甫遞而警局業以開辦安定旗勇驟增至六七百人貿然以之改充章程頗似而內容全非但圖片紙上之

好看不計事實上之利害與人身家性命舉而付之若輩之手誰爲厲階職此亂政此固不能不太息痛恨於謀始之不臧也千帥蒞蘇鄙人亦嘗備陳其弊又與主其事者觀縷得失斬早改良上年撫標左右營裁併時警局又復挑選以足警額鄙人亦嘗勸阻所以不憚再三之瀆者居鄉之義應爾也以游勇流氓阻防標兵爲巡士以保甲巡防員并爲警官以少數東洋留學之官若生及北洋調來之巡弁本城警校之畢業生介乎其間合一爐而冶之逐組成今日之巡警而其效可觀矣夫巡士爲行政上起點之人與民最相切近凡所以保地方之治安謀人民之樂利者皆導源於巡士州縣爲親民之官不過存其名而巡

時事彙編第三卷

七

丁未五月十一日刊

士居其實職務何等重要關繫何等密切以曾經畢業警校者充之猶虞學識之或未完備道德之或尙缺乏未必勝任而愉快此所以名之曰士而不名之曰勇若如前所陳具野蠻之性質無治安之思想名之曰勇尙嫌名實未副果可委之以爲監督人民之行政人乎養虎自衛宜有今日猶幸速發禍以及此改弦更張或尙易於措手若再瞻顧遲回毫末不札將尋斧柯恐非地方之福顧欲整飭警務非另起爐灶不可如或憚於改作僅爲逐漸淘汰之計則彼已結成死黨異已必排新故接續勢必與之同化害羣不去良馬亦跌今已驗矣一巡記巡長巡弁必爲彼護符否則恃衆要挾不能相安一理勢使然無容飾辨者

也原有之勇非另籌安置不可如或率意遣散則必流而爲匪習與性成遷地而弗能爲良者也且巡士與軍士異軍士主體魄易一統將疲弱可轉而爲勁旅巡士主學問雖屢易警官野蠻不能強爲文明此又皎然可知者也則尤非寬籌經費注重教育不可查蘇城巡警經費歲不逾七萬金省垣重地巡警要政籌備經費僅止此數而欲其媲美津沽是何異操豚蹄而祝篝車乎忠信重祿所以勸士用之有效多不爲廢用之無效少亦枉費統六七年計之枉費已達四五十萬矣爲今之計姑以七萬之半位置若輩另編隊伍名曰巡防缺額不補限年撤盡以半專辦巡警學堂培養巡士非士著士行者不錄畢業若干卽派

時事彙編第三卷

八

丁未五月十一日刊

出若干訂章實行使人民以共曉初辦不求徧給逐年擴充挹彼注茲三年而後警務庶有把握此爲釜底抽薪辦法務本之治也若舍此而爲枝節補苴之計鄙人不敏竊不敢贅一詞大公祖關懷內政整飭巡警敬貢一得之見伏祈採擇施行不勝大願肅鳴敬頌台安
敬再啟者前日某報載有民政普通飭各省擴張巡警之文並有廣爲招募之語未審確否竊思巡警爲內治要政自宜切實舉行但招募充當其弊與徵兵同而害尤甚徵兵以禦外巡警以治內皆有國者切要之圖然必行之於教育普及之後今學務尙在萌芽通國人民具有相當之知識者尙不及萬分之一而士流實居其大半中下社會

已絕無僅有。所招募者率多遊民無賴不受教育者流以之充徵兵不過耗糜帑藏無與於戰陳已耳以之充巡士不僅廢削民脂抑且爲害於閭里雖各省情形不同而我蘇之效果已見前車既覆後軫宜適應請大公祖將此間巡警情形及所以致此之由咨明民政部無疑爲奉行之力並請部通行各省一律先設巡警學堂揀選本地馴謹之人入校肄習校中課程管理各項表式規則及教習職員之俸薪權限責任品類等等均須由部詳定畫一章程分行遵守學生計年畢業後分別等第派充巡長巡士將欲納民軌物之中勿爲徒飾耳目之具內政修明肇端於此始基不慎流弊滋多操切張皇貽厭惡新政者以時事采新彙選第三卷

九 丁未五月十一日刊

口實徵兵可資爲股鑒臨穎不勝杞憂肅此再請台安伏希垂察

光緒三十三年五月十二日

外務部欽天監侍衛處值日無引 見直隸宣

化鎮總兵黃懋澄請 訓 李殿林謝調授正紅

滿副都統 恩 禮部奏派襄校同考官 派

出曹元忠路士桓陳驥王季烈

召見軍機 黃懋澄

諭旨恭錄 光緒丁未五月十二日

閩要塞學堂學生上陳玉蒼欽使書

爲桑梓關繫義所必言懇請察情鼎力事竊維就地徵兵乃地方之要務萬兵于學尤教育之正針閩省爲濱海要區自廈門至汕頭沿海之地七百里軍事極爲緊要邇來學風頗見發達荷領袖得人辦理得法進步大有可望而軍界則極其幼稚舊兵既無程度而新軍教育普及于吾閩者卒鮮將來海疆有事民不知兵將何以盡保衛邦家之義務去年黃總辦奏調來閩察悉長門爲閩口要衝非閩人自衛必難得力遂于閩口設要塞礮科學堂其辦事宗旨在上爲陸軍部植徵兵之基礎下爲吾閩人鼓尙武之風氣其教育方法在使學生以忠君愛國爲第一性命時事采新彙選第三卷

丁未五月十二日刊

以習勞守紀爲第一性命專錄本籍專收學界期于內外咸備其熱心于吾閩實有識所公認生等察其大勢不能無能力太棉之弊蓋則辦之初毫無憑藉已爲衆所共知而開校以來其慘淡經營力求完全而開辦費已虧短甚鉅且自費生亦月有不敷又爲在校諸生所共視生等伏查歐美各國無人不學即無人不兵日本維新亦恃武士道大和魂遂一躍而至上等國軍界與學界二者之不可偏重已成世界通例今天下一尙兵之時也吾閩一用兵之地也爲桑梓計非使武士教育遍于大地綿于子孫則門戶不牢室家亦易於窺見學界一部分之能力或有所不足誠趁此已成立之基業由黃總辦稟請前署督憲崇

奏咨立案若能撥加款項以濟不足或可再行加聘外

洋專門教習並展寬畢業期限而使擴充之持久之則是校之設既專爲閩人將來必可爲吾閩培成多數之人物惟現雖經費短絀以黃總辦在此主持斷無他慮使將來設有升調則遷之者恐難爲繼生等似不能不作未雨綢繆之計適逢夫子秉節旋閩爲我閩一大幸福且素仰滿腔熱血上而君國下而里閭皆力任保護之責前主講鳳池時以開通風氣爲己任生等之得受文明教育實夫子導其先河今年奉命來閩又極力爲學界籌推廣生在校中每閱報紙及省垣來書輒領手寫吾閩前途贊且推原愷意必欲爲吾閩多種一善因以斬日後多收一善果時事采新彙選第三卷

丁未五月十二日刊

故不敢自外敬陳胸臆冒瀆座隅乞察軍界學堂閩中最新單簡有辦法稍善者又以經費之不足阻礙其熱誠將來誰肯爲吾閩辦事者生等於督憲前既不敢言惟有本勞苦呼天疾痛呼父之誠以保全桑梓之熱望專屬於夫子謹瀝請察核與省中各當道熟商設法籌畫俾閩口學堂可以擴充可以持久閩省幸甚切稟

嘉興縣沈大令維賢稟復浙撫文 爲試辦地方自

治事 錄時報

敬稟者竊奉本府札轉奉藩司札開奉憲台批嘉興職舉生監計廷拔等稟請試辦地方自治由奉批地方自治非教育普及人人有普通之知識政治法律之理想未易實

行該生等所呈章程凡查禁茶寮烟室賭廠牛鍋上及教育警察衛生勸業等事皆在法津範圍之內亦實爲地方士紳應盡之義務應准試行仿照籌辦法改名公益社以新豐鎮爲限斷名爲新豐公益社由縣頒給木質信章以符名實其辦理之善否由縣隨時監查具報仰布政司會同按察司轉飭嘉興縣遵照繳稟摺印發等因下縣奉此查組織地方自治雖爲憲政之基礎而國民程度尙遠風氣不齊未可遽襲其名轉滋競爭之弊自應遷改改名公益社就認定之區域施治安之方針庶倡導新機仍不越俚時法律範圍之內嘉邑轄境方五十里郡城內外無尺寸之領土所屬以王店爲首鎮新豐在縣治東偏王店時事采新彙選第三卷

第三卷

三

丁未五月十二日刊

在縣治西偏實爲交通之樞括行政之要點今新豐鎮既經計廷拔等稟准試辦公益社王店地處要衝商業發達似應一體舉辦紳董之能力爲參觀之比例當即抽繇憲批就計廷拔等原呈所擬自治規則詳加參訂草擬公益社豫備各條先令劃定管轄圩分慎選社員社董預算經費由官紳酌量認定不准藉名收捐及因事科罰又爲公益社附訂各條申明監督之秩序與社會之權限發交計廷拔暨王店鎮紳張棣等悉心研究逐條議復旋據王店鎮紳張棣將附屬各圩繪圖貼說配定區限由士商投票公舉社董由社董選舉各社員圩董圩長等擬議規條稟呈卑職逐細參核均在認受範圍權限之中其公舉正

社董卽職紳張棣人極開通副社董職貢何國模饒有學識所選評議幹事調查會計各社員均盡義務不支薪費圩董督率圩長宣布條規肅啟鄉愚查禁結會入幫聚賭窩匪逞兇敲詐武斷唆訟及客棚茶寮烟室有不遵約束者秉公申禁具報其常年經費核實樽節開支約需洋四百餘元先由卑職倡捐廉洋一百元餘由社長社員等公認捐助該社附設王店梅谿橋商會分所名爲嘉興縣王店區試辦公益社已於三月二十日開社卑職親詣觀禮當衆給發木質信章宣示德意演說公益并諭以地方官有監察之責在事員董果能顧惜名譽始終如一當予詳請給獎若有無意識之舉動不協公理亦必隨時取消衆時事采新彙選第三卷

第三卷

四

丁未五月十二日刊

情皆認可極爲歡洽斯乃未有之創舉目前雖就一隅試辦而各鄉耆老輿聞布告開社宗旨咸曉然於官民相見以誠痛除錮蔽該社董張棣公正老成平日排難解紛本爲土客悅服去冬遵諭創辦商團聯絡鄉民守望相助能使附近各村莊賭風歇絕攘竊無聞蓋無設立社會之名已有維持公益之實今該董復於公益社事宜熱心勸導實力担任信行所孚合鎮士紳咸表同情爲卑職初意所不料設能辦有成效毫無流弊當可藉資模範此王店鎮公益社得人贊助首先成立之原因也新豐鎮本係稟准先行試辦計廷拔等又爲發起人其於公益社條款交辦之後極思協力贊成畫區規定無如地處鄉僻民智未開

社董既難得其選常費亦未易勸集現正設所籌商合群
提議應俟該鎮士紳多數議決徐圖開辦此外鎮市苟有
其人舉董籌費不藉公以營私不假名以取利模仿王店
公益社成法試辦亦當隨時酌准據實轉詳以開風氣云

劉鳴博弔陳天聽文錄時

昨見某報載有鄙人弔陳君天聽文想爲同舟諸君送
刊者惟其中字句間有與鄙人原文不符處想爲傳鈔
之誤茲將原稿送上可否 賜登貴報以昭核實

劉鳴博識

光緒三十三年丁未四月念一日劉士驥以奉派考察日

時事采新彙選第三卷

五 丁未五月十二日刊

本政學歸國乘博愛丸方自神戶啟旋後三小時忽有福
建留學生陳君天聽蹈海之事聞舟震悼公議有以歸其
輓卹其家且舉代表二人由門司返東京報諸國人謀所
以追悼之者士驥素未知陳君之爲人顧聞其蹈海前一
夕言及國事歔歔流涕据其同行之人所述則君固已畢
業於法政大學斐然成章而如狂之熱誠則蘊之自昔此
次就義實感念國恥而以身殉之冀國人之自茲一悟也
嗚呼烈矣抑士驥聞比年來我國績學少年因國事以自
戕其生者已五六見夫人孰不求生而惡死而顧若是者
豈非以義憤之氣激發使然耶彼誠見政府之彼昏日醉
事事因循粉飾無復可望而欲自民間倡暴動破壞秩序

則又徒汙萬人之血而難收建設之效故左右思維希望
全絕夫人而至於希望全絕則小之發狂大之自殺固其
所也雖然人人皆求生惡死而有一二人焉獨能犧牲其
身命毫無所顧惜此非至誠之人不能爲也一國中至誠
之人能有幾何其有一二則國之所賴以立也國之所賴
以立之人而徒以絕望發狂致致一瞑以謝天下此其於
國家前途爲福乎爲禍乎此稍有識者所能見也故吾於
陳君之舉既對於其個人深表敬慕而爲國家前途計又
不能不惜其以彼血誠男子方當盛年抱有用之才而竟
卸脫此後對於國家之責任泰然以長逝也士驥竊以爲
我輩今日處此國勢苟其無悲憫之思者誠非復人類然

時事采新彙選第三卷

六 丁未五月十二日刊

使徒悲憫而不思從黑暗世界中努力以造出光明則豈
惟憂能傷人自戕其有用之軀而已抑於國家更何賴也
故所貴乎豪傑之士者在能以人力回天行我國今日之
政治雖前途似有種種障礙橫於吾前幾令人有山窮水
盡疑無路之感然熟考歐美日本改革之歷史亦曾有一
國焉毫無障礙而政治上之改革能順流以渡者乎我以
我所處爲至難彼亦以彼所處爲至難易地而觀則皆爾
爾他人能剪除爾許障礙終貫徹其所志而謂我不能乎
母亦人力有所未盡而已夫現政府令人失望固也暴動
手段不可妄行亦固也然舍此之外我輩獨無他途以達
政治改革之目的乎彼歐美日本諸國政治現象之能有

今日者豈其皆政府自動之結果乎又豈其皆革命軍暴動之結果乎其不必如是而政治上可以有改革則亦人民能造出正當而強有力之輿論以監督政府改造政府而已誠能如是雖以路易十四爲之君梅特涅爲之相猶且不能不帖服於輿論之下以從其要求況於現政府者乎觀近來雲貴閩浙以公電故而能易地方長官則民要求政府之非無效可見矣知此一義則吾國前途必非絕無希望可以斷言而所以撥黑暗而見光明者則亦視乎仁人志士之心力而已苟不從此著想則四衝八撞無路可通其必至發狂自殺有固然矣士驥淺學不文誠不足以語天下事今因目睹陳君之變感不絕於余心敬洩時事采新彙選第三卷

七

丁未五月十二日刊

一掬血淚以弔君之靈尙冀愛國之士聞君此舉者哀君之志敬君之誠而勿爲君之續從絕望處自演出希望探積極的救國手段而勿採消極的救國手段則君其可以瞑矣夫嗚呼海波蒼蒼海雲茫茫汨羅遺恨行路悽惶魂兮有靈尙歸故鄉

美國之實業學校

錄時報

美國之實業學校於皮齊南斯加雷基各都市皆有一二普通者修業六個月或一年入學程度必係哈伊斯枯爾卒業者

其教授科目

「正科」讀文 作文 習字 算術 簿記 銀行法

商法 他伊蒲拉伊定枯 速記法

凡實業學校均置別科目而設有速成電氣機械學科教授時間分午前午後夜間星期日四部授業科之書籍及其他雜費若六個月全納者一百五十弗分二次納入者則三個月當納八十五弗若每月納入者則一箇月當納三十弗此各學校大略相同其中最省者在夜間及星期日兩課該校之卒業生當重習公司銀行等之帳簿與初級所習者無異惟日本人在該校中則無之皆僅爲語學之練習而已且其夜課得自由修習仿小學校入學年限而無入學考試及其他之制限以與日本人之便利電氣科之卒業生卽入鐵工場及其他機器廠現在日本

時事采新彙選第三卷

八

丁未五月十二日刊

鐵路之局員卽出其校中惟取速成之義而得六個月修業固屬便利然較之專門技藝之技術則終不免有不足之憾近頃此皮齊南斯加雷基之學校有私立之弊專取經濟主義不論離何皆許入學而貪六個月後高額之試驗金故日本之新赴美者咸十分警戒苟有心於此學者望勿再蹈此似是而非之學校也

光緒三十三年五月十三日

吏部翰林院廂黃旗值日無引 見 王中堂謝

准其開缺 恩 慶綿謝授正白漢副都統

恩 崇中堂遞遺摺

召見軍機 陸潤庠

上諭致仕大學士崇禮恪慎持躬老成練達由部曹荐升卿貳擢任尙書旋登揆席管理部旗事務宣力有年克盡厥職前因患病奏請開缺以大學士致仕方冀克享遐齡長承恩眷茲聞溘逝軫惜殊深著賞給陀羅經被派副都統溥倬帶領侍衛十員卽日前往奠醊加恩入祀賢良祠照大學士例賜卹任內一切處分悉予開復

諭旨恭錄 光緒丁未五月十三日

應得卹典該衙門查例具奏伊子錫鑫著賞給員外郎用示篤念耆臣至意欽此

論鐵路政策宜速統一 錄天時報

鐵路爲國家之命脈吾中國人漸知之矣特惜當要路者於籌畫鐵路政策未能確定其方針是以中外有心志士莫不深爲隱憂也前此岑雲帥以封疆大吏突如來京陛見旋補授郵傳部尙書焉又突如轉調粵督焉聞近者將出京有爲之稱賀者有爲之悲歎者吾以爲岑自入郵傳部後整頓一切庶務雖未及就緒而其對京漢粵漢等鐵路之政策皆悉心爲之籌畫將以次漸至確立其誰弗爲之欣然迨岑督一去郵傳部所有庶政要務適然雲散霧消亦未有言及鐵路政策者瞬息間隔數載矣顧茲中國需人之急所以引爲沈痛者此也且中國鐵路情形本雜時事采新棄舊第三卷 丁未五月十三日刊

然其紛歧而其辦理之方所在未能一定有純乎官辦者如京張鐵路是有官商合辦者如粵漢鐵路是有中外合辦者如關內外鐵路與京漢鐵路滬甯鐵路汴洛鐵路正太鐵路等皆是有外國自辦者如山東鐵路及東省鐵路是至將來擬定建造之鐵路而尙未及開工者如九廣如川漢如津鎮如滇越如滇緬其辦法殊難預定此外若安徽江西浙江各省其官紳倡議自辦鐵路所有測算路綫者亦不爲鮮當是之時中國政府內不能審機觀變將鐵路政策事宜於目前詳定之竊恐十年二十年之後各直省鐵路紛歧錯雜無復聯絡統一之日將何以收鐵路之効用哉而利益則倍難言之矣自近時收回利權之說興

舉凡中國人士悉以自辦鐵路爲當今之要務故係於中外合辦者亦擬贖回之廢止之意固未可厚非也而難其籌款寄於運策者正復不少何惜如之卽以現在情事論無自辦之實力而侈然言自辦無贖回之鉅資而茫然言贖回究之千轉百折於建造鐵路事實無少補於阻碍其建造則竟有力焉美哉其可怪也與竊以爲任今日之措施而不講轉圜之法則中國鐵路全局恐決無進步普及之時觀彼粵漢鐵路事非其明証確據乎又若鐵路之建造其所在經過路線固縱橫錯出矣然必自國家全局交通上統爲之規畫詳爲之酌量而後施其工庶幾無所貽誤也萬一各省官紳隨便選擇路線各鐵路公司任意建時事采新彙選第三卷

丁未五月十三日刊

造軌道要皆於全局未之籌吾知工竣之後失之無用不急者多始也昧緩急輕重之分終也負誤國病民之累是時悔何可追哉爲中國鐵路完善計宜今茲開辦之先擬定緊要之路線量其勢之長短察其利之優絀度其商業發達之機案其軍事交涉之關由是漸次修造則獲益自深也如任其各自爲謀而不求統籌全局之策雖競言鐵路之建造安望有進步之一日乎卽如中國現時言鐵路政策者或謂贖回京漢鐵路宜急或謂廢止津鉅鐵路宜速或策數設川漢鐵路勿怠或論修建新齊鐵路勿緩觀其所言事實亦似可謂要圖者而究之皆偏隅事也其辦法又未一定誰能代爲營謀哉故意以爲中國政府宜先

定鐵路政策於畫一以防流弊之萌則曰如何選擇路線也如何籌款興辦也如何管理經營也通籌現在之建造者與其他將來建造各路決定畫一之辦法確立一定之宗旨將見應贖回者則贖回之應速修者則速修之如是而囂張之論不戢而自熄所謂實行之功可計日有成也然則鐵路政策將如何一定乎曰在於創立官商合辦之總公司經營中國鐵路之權以統一該鐵路公司耳請試爲詳言之

考之東西洋列強鐵路在所必需而其政策則有異焉者德意志強國也實行國有鐵路主義其通國鐵路概歸官辦英美諸強國反之所有全國路綫無弗歸商辦者是實時事采新彙選第三卷

丁未五月十三日刊

行民設鐵路主義也至于俄羅斯鐵路之設則官辦商辦各分其半而民設之鐵路政府監督之特形其嚴密是又一鐵路政策也日本崛起東瀛其鐵路創始有歸官辦者有歸商辦者主義原無一定相沿至去年政策確定其方鉅斷然採用國有主義舉凡商辦之路綫以次撥款收買官歸官路焉如日本鐵路如山陽鐵路皆已經收買者夫日本於戰爭後瘡痍未愈之時國家待辦要政甚多乃決行此收買商辦鐵路之大事業其理由要自有三一曰鐵路之聯絡可以實行統一也二曰鐵路之改良可以便於速成也三曰鐵路之餘利可以充裕庫款也有此三大理由主義斷歸官辦以一定鐵路政策故世界列強諸國均

稱日本政治家之有遠見其籌畫可謂善矣然有議之者曰日本政府之於鐵路實行官辦主義不若官商合辦行此主義於南滿路以便籌鉅款之爲優也何言之政府自辦鐵路則其籌款有所限不能措置裕如而鐵路之建造安能望其速快乎若官商合辦之則籌款易爲力而又無所限制焉善何如乎曰國家辦事之法凡由於官辦者特露一種官界氣習令人不可以言狀而在官商合辦之端其流弊之類風無難痛爲之掃除故曰日本政府之於國內鐵路官自辦不如合辦之爲愈也南滿路之計得矣吾儕以爲彼之言非無所見而云然試詳述南滿鐵路公司之組織當日本之割取南滿路於俄國也關於鐵路政策

時事采新彙譯 第三卷

四

丁未五月十三日刊

並附屬各種事業爲之經營籌畫遂自出一利便之法創立南滿鐵路公司其資本約定二萬萬元內估價鐵路及各種財產等爲一萬萬元以之爲官股其餘一萬萬元之數招募商股充其額而利益之所獲政府獨受其半外之附股商民亦均得其利益夫固兩稱其便也且公司既稱二萬萬元之資本現在所有鐵路煤礦與其他財產已稱一萬萬元則其信用之厚勢力之大非殆然共見乎是以籌借外款用弁推廣改良之資斷不至難言也雖曰公司以官商合辦名而其實權仍自政府操之一切招股集款事政府毫無所虧累至於招股集款後所獲利益多數半歸政府收儲視政府自撥庫款開辦此路政其難易懸

殊矣卽以籌借外款言亦屬自招煩累也若該公司者何其術之巧而設法之良哉故日之有心人謂日本政府於經營南滿路事宜既善爲之規畫然僅偏隅之間也須移此最善方策推施於本國鐵路則一日本官商合辦鐵路公司所有鐵路權勢俱歸掌握中估價官辦鐵路舉而付之於公司以代官股焉估價商辦鐵路亦舉而付之公司以代股票焉政策既端其本於其外另招募數萬萬元之譜以充建造改良之經費則措施裕如矣一面將全國鐵路收回統一於公司管理一面籌集鉅資將通國路線所及速爲之興造延展勿使有所遲誤而官辦之陋習卽便爲痛除之由是力爲振作特創輕易快捷之辦法其利果

時事采新彙譯 第三卷

五

丁未五月十三日刊

何如乎夫官商合辦云者其法雖曰不一然觀日本之於南滿路其公司合辦之宜無所謂缺陷也以之爲中國辦鐵路規則不亦善乎且中國各省鐵路凡係外國官辦者俱可暫置勿論何則其事於國際上特爲關係之重要不可視爲一鐵路之問題也然其他鐵路開辦均由利益上起見始有人担任之也苟爲之推算其利益於國計民生之大兩無所損傷則撥款贖回之固可得行其政策卽與彼併合之亦非有缺望也況其僅有權利而未建造之路終隨在皆是也又且有計畫及此即未籌款勘測路綫者更不知凡幾矣當是之時我中國政府統籌鐵路全局果能定一政策實行官商合辦之法勿或有所困難則全國

鐵路可使之統一並且由路綫緊要者循序建造之推之迅速普及海內各行省雖道途遼遠自能聯絡無間通達於瞬息時也況乎中國路政一時主義不定列強阻因而生心今爲言取法日本南滿路規則至於如何組織與如何經營蓋有宜於中國之法在審是官商合辦鐵路公司非善施其政亦不可也試更爲詳述之

當今中國鐵路所有籌款興工事本不可置爲緩圖若果創辦官商合辦之一大鐵路公司確認其有利而無或疑議則事當創始雖曰倍極困難要不可以困難之故卽不爲大局計忽於鐵路政策而不務實行之方也然既欲期其實行又非可漫然圖之試略言其法一則政府之中宜

時事采新彙選第三卷

六 丁未五月十三日刊

先組織合辦公司舉關內外鐵路與京漢鐵路粵漢鐵路京張鐵路正太鐵路等悉使歸於統一也其他各鐵路則視現在之情形衡其利益之鉅細者其資本之多寡爲之酌量輕重而定其價格若何由公司收買之至於款無所籌措則與之以確實股票特昭其信用卽各鐵路資本內有存官款者權利則歸之政府外款則歸權利於外人商款則歸權利於商民酌其股份多少之數以分配其利益也一則收買各鐵路就所有官款外款商款等爲之分別酌給而外款實多於官商也夫使外人股東占其最多數在中國路政言之原屬不利之端故政府對茲宜另籌路款數千萬元令官股與外股適得其平允而無所偏倚則

時事采新彙選第三卷

七 丁未五月十三日刊

患自預防矣外洋雖云富強其能如我何哉一則鐵路公司既如此成立其大則總算資本必若干萬金可知以是信用與勢力爲之立其基礎更以所有財產爲抵當以籌借路款之要中外商民諸人苟確見其有利股價能勿踴躍乎吾知招募之事非所難也一則招募路款既能有成效勿過爲留滯勿徒事浪費先以此款金開辦要工如粵漢鐵路及京張鐵路等是並置開辦之路線與已經開行尙須改建者宜速爲規畫之以推廣事業不使有所遲誤庶乎其可也一則路線之所及有宜別先後者有宜分緩急者均由公司察其情形先爲之量度然後稟請政府會同決定之由是擇要以開工漸次以興築中國各直省路線雖廣遠將見不十數年後自能聯絡貫通相接無間也凡若此等皆組織公司之主要眼目也固缺其一不可者至究其組織之義決定其組織之法必先由政府大臣及各省督撫簡派諳練委員會商創辦事宜一切悉令妥籌所以昭其慎也又由該委員對各國人士交涉關係於鐵路者妥議如何收買必俟有成議後方興工開辦庶不至貽誤也且創辦事宜一切果已酌定之矣至于頒發章程招募股東公舉總辦董事等政府不得令委員干預之也概由公司督其成而公司又不得擅恣也所在管理之權仍操自政府失何有哉卽不然事當開辦伊始慮公司之不能担任也由政府簡任總辦以重其實成亦法之善者